

კრიმინალის გამუქება ქართულ პრესაში

ნატა კვიციანი

სამაგისტრო ნაშრომი წარდგენილია ილიას სახელმწიფო
უნივერსიტეტის მეცნიერებათა და ხელოვნების ფაკულტეტზე ჟურნალისტიკის
მაგისტრის
აკადემიური ხარისხის მინიჭების მოთხოვნების შესაბამისად

მედია, ჟურნალისტიკა და კომუნიკაცია: პრაქტიკა, კვლევა

სამეცნიერო ხელმძღვანელი: დავით პაიჭაძე (სრული პროფესორი)

ილიას სახელმწიფო უნივერსიტეტი

2015

„როგორც წარდგენილი სადრესტაციო ნაშრომის ავტორი, ვაცხადებ, რომ ნაშრომი წარმოადგენს ჩემს ორიგინალურ ნამუშევარს და არ შეიცავს სხვა ავტორების მიერ აქამდე გამოქვეყნებულ ,გამოსაქვეყნებლად მიღებულ ან დასაცავად წარგენილ მასალებს, რომლებიც ნაშრომში არ არის მოხსენიებული ან ციტირებული სათანადო წესების შესაბამისად“

აბსტრაქტი

სამაგისტრონაშრომი „კრიმინალის გაშუქება ქართულ პრესაში“ ბეჭდურ მედიაში გამოქვეყნებული კრიმინალური პუბლიკაციების მონიტორინგს ასახავს. ნაშრომის მიზანია, გავარკვეთ როგორ ხდება კრიმინალის გაშუქება ქართულ პრესაში. რა ძირითადი პრობლემები და სირთულეები არსებობს კრიმინალის გაშუქებისას და როგორია მათი გადაჭრის გზები.

ნაშრომზე მუშაობისას გამოიკვეთა ის ძირითადი თემები რაზეც კვლევის განმავლობაში ხდებოდა ყურადღების გამახვილება. ასევე, კვლევაში გამოკვეთა ის თავისებურებები რომელსაც ყველაზე ხშირად იყენებენ ჟურნალისტები სტატიის წერისას. მოხდა სიმულვილის ენის იდენტიფიცირება. კვლევისას ყურადღება გავამახვილეთ იყო თუ არა ჟურნალისტი მიუკერძოებელი ფაქტების თხრობისას ან აღწერისას. ასევე, ვიკვლიეთ ახდენდა თუ არა ჟურნალისტი წყაროს მიერ მისთვის მიწოდებული ინფორმაციის შემოწმებას .

კრიმინალური შინაარსის სტატიების კვლევა შედეგ ქართული გაზეთებში „ალია“ „ახალი თაობა“ „რეზონანსი“ და „კვირის პალიტრა“ განვახორციელეთ. კვლევის მეთოდადად თვისებრივი კვლევა შევარჩიეთ. კვლევის ეს მეთოდი საკვლევი საკითხის სიღრმისეულ შესწავლას ითვალისწინებს და აადვილებს საკვლევად საინტერესო საკითხების გამოყოფას.

კვლევის შედეგები არის ერთგვარი სურათი იმისა თუ როგორ წერენ ჟურნალისტები სტატიებს კრიმინალის შესახებ. კრიმინალურ სტატიაზე მუშაობის რა სპეციფიკა არის ბეჭდურ მედიაში და როგორ გამოვლინდება თითოეულ გაზეთში. შედეგების გაანალიზება ჟურნალისტებს და რედაქტორებს მისცემს საშუალებას დაინახონ რეალური სურათი კრიმინალური შინაარსის სტატიების დაწერის თავისებურებებსზე.

რაც შეეხება ნაშრომის სტრუქტურას , იგი შესავლის ,ძირითადი ნაწილისა და დასკვნისაგან შედგება. შესავალი კი თავის მხრივ მედიის მედიის ფუნქციებისა და ჟურნალისტური პრინციპების განხილვისგან შედგება, ძირითად ნაწილში განხილულია თუ როგორია კრიმინალის გამუქების წესები და რა არის კვლევის მიზანი. დასკვნით ნაწილში აღწერილია კვლევის მეთოდოლოგია და შეჯამებულია კვლევის შედეგად მიღებული მონაცემები

ძირითადი საძიებო სიტყვები: კრიმინალი, სამართალი ,მედია სტანდარტი ,ჟურნალისტური ეთიკა, სიძულვილის ენა, მიკერძოება, ინფრომაციის წყარო